



Neviim (prophètes) - Livre de Samuel I

Chapitre 8

- 8,1 ויהי באשר זקן שמואל; וישם את-בניו שפטים, לישראל.
 8,2 ויהי שם-בנו הבכור יואל, ושם משנהו אביה--שפטים, בבאר שבע.
 8,3 ולא-הלכו בניו בדרכו, ויטו אחרי הבצע; ויקחו-שחד-ויטו, משפט. {פ}
 8,4 ויתקבצו, כל זקני ישראל; ויבאו אל-שמואל, הרמתה.
 8,5 ויאמרו אליו, הנה אמה זקנת, ובניך, לא הלכו בדרכיך; עמה, שימה לנו מלך לשפטנו--ככל-הגוים.
 8,6 וירע הדבר, בעיני שמואל, באשר אמרו, תנה לנו מלך לשפטנו; ויתפלל שמואל, אל-יהוה. {פ}
 8,7 ויאמר יהוה, אל-שמואל, שמע בקול העם, לכל אשר-יאמרו אליך: כי לא אתך מאסו, כי-אתי מאסו ממלך עליהם.
 8,8 ככל-המעשים אשר-עשו, מיום העלתי אותם ממצרים ועד-היום הזה, ויעזבני, ויעבדו אלהים אחרים--כן המה עשים, גם-לך.
 8,9 ועמה, שמע בקולם: אך, כי-העד מעיד בהם, והגדת להם, משפט המלך אשר ימלך עליהם. {ס}
 8,10 ויאמר שמואל, את כל-דברי יהוה, אל-העם, השאלים מאתו מלך. {ס}
 8,11 ויאמר--זה יהיה משפט המלך, אשר ימלך עליכם: את-בניכם יקח, ושם לו במרכבתו ובפרשיו, ורצו, לפני מרכבתו.
 8,12 ולשום לו, שרי אלפים ושרי חמשים; ולקראש חרישו ולקצר קצירו, ולעשות כלי-מלחמתו וכלי רכבו.
 8,13 ואת-בנותיכם, יקח, לרקחות ולטבחות, ולאפות.
 8,14 ואת-שדותיכם ואת-כרמיכם וזיתיכם, הטובים--יקח; ונתן, לעבדיו.
 8,15 וזרעיכם וכרמיכם, יעשר; ונתן לסריסיו, ולעבדיו.
 8,16 ואת-עבדיכם ואת-שפחותיכם ואת-בחוריכם הטובים, ואת-חמוריכם--יקח; ועשה, למלאכתו.
 8,17 צאגכם, יעשר; ואתם, תהיו-לו לעבדים.
 8,18 וזעקתם, ביום ההוא, מלפני מלככם, אשר בחרתם לכם; ולא-יענה יהוה אתכם, ביום ההוא.
 8,19 וימאנו העם, לשמע בקול שמואל; ויאמרו לא, כי אם-מלך יהיה עלינו.
 8,20 והיינו גם-אנחנו, ככל-הגוים; ושפטנו מלכנו ויצא לפנינו, ונלחם את-מלחמתנו.
 8,21 וישמע שמואל, את כל-דברי העם; וינדברם, באזני יהוה. {פ}
 8,22 ויאמר יהוה אל-שמואל שמע בקולם, והמלכת להם מלך; ויאמר שמואל אל-אגשי ישראל, לכו איש לעירו. {פ}



La Clé de la Vie

Se préparer physiquement et spirituellement aux douleurs de l'accouchement.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions